

Самимий учрашувлар, амалий натижалар

Марказий Фарғона чўлларининг қоқ марказида Ёзёвон туманининг “Янгибўстон” (собиқ “Чўлқувар”) маҳалласи бўлиб, бу ерда 124 та хонадонда 767 нафар аҳоли яшайди. Атрофи қум барҳанлари билан ўралган “Янгибўстон” ихчамгина обод маҳаллалардан биридир.

- Мен шу ерга биринчилар қатори келганман, - дейди нафақадаги фермер, меҳнат фахрийси Саъдуллажон Султонов. – Ўшанда йўллар асфальтланмаган, ичимлик сувини ташиб келтирас эдик. Мана ҳозир ҳамма нарса муҳайё. Мўъжаз мактабимиз ҳам бор. Одамлар шоликорлик, балиқчилик билан банд. Албатта, муаммолар ҳам бор. Бугун биз билан учрашгани, биздан хабар олгани вилоят ҳокими Шуҳратжон Фаниев келар эканлар. Бир суҳбатлашамизда...

Шу пайт маҳалла марказига тўпланган одамлар қимирлаб қолди. Ҳоким машинадан туша солиб янгибўстонликлар билан эски қадрдонлардек қучоқлашиб кўриша кетди.

- Барака топсин, бир йилда икки-уч бор учрашиб, маслаҳатлашиб оламиз, ҳоким билан, - деди Саъдулла ака.

- Таклиф ва талабларни инобатга олиб маҳаллага чойхона, спорт зали, кутубхона, кичикроқ бўлсада тикувчилик цехи, йўл бўйига бозорча қурамиз, - деди Ш. Фаниев.

- Мактабимиз ҳам таъмирталаб, боғча...

Ҳоким МФЙ раиси Қаҳҳор ака Ҳакимовнинг сўзини давом эттириди:

- Мактабни албатта таъмирлаймиз. Аммо... балки маҳалланинг бирон тадбиркори уй боғчаси очар. Биз эса уни ҳар томонлама қўллаб-қувватлаймиз. Ҳатто мебелигача таъминлаймиз.

Янгибўстонликлар таклифни ўрганиб чиқиб жавоб айтадиган бўлдилар.

Маҳалла аҳлига яна бир қувончли хабар етказилди, шу лаҳзада. 124 та хонадоннинг ҳар бирига қўшимча равишда томорқа учун 10 сотихдан ер ажратиб бериладиган бўлди.

Учрашувга чиқолмаган хонадон соҳиблари ҳам четда қолмади. Балиқчи Омонжон Йўлдошевнинг 28 сотих томорқаси бор экан. Сабзавотдан бўшаган ерлар ҳайдалмаган эди. Ишчи гуруҳ аъзолари ёрдамга келишмоқчи бўлишди.

- Йўқ-йўқ ўзим ҳайдатиб оламан, - деди Омонжон.

Умр бўйи ҳисобчи бўлиб ишлаган Акбаржон Низомов ногирон бўлсанда ҳали кўп фойдам тегади. Соҳамдаги иш бўлсайди, деб қолди. Президент Халқ қабулхонаси раҳбари Робияхон Маҳмудова ён дафтарига мурожаатни ёзиб олар экан, “ёрдам қиласиз” деди.

З3-мактабнинг 7 синф ўқувчиси ногиронлигига қарамай, аълочилар сафида экан. Ш. Фаниев унга у орзу қилган ноутбукни совға қилди.

- Шу бугундан бошлаб аҳоли, айниқса, қиз-аёллар тиббий кўрикдан ўтказилади, - деди ҳокимлик мутасаддиларидан бири.

Хаётнинг ўз қонуниятлари бор. Туғилмоқ борки, боқийга рихлат ҳам ҳақ экан. Вилоят ҳокими мусибатдор хонадонга йўл солди, Қуръон тиловат қилди ва марҳуманинг яқинларига ҳамдардлик билдириди.

1 / 2

- Ҳоким ҳар гал учрашувга келганида кўнглимиз кўтарилади, ҳаётга ишончимиз мустаҳкамланади. Чўл бағридаги олис худудда яшасакда, ортимизда давлатимиз, Президентимиз

турганини ҳис қиласиз, - деди Қаҳҳор ака биз билан хайрлашаётиб.

Муҳаммаджон Обидов,

Фарғона вилояти ҳокимлиги

Ахборот хизмати

2019-11-06 12:35:57